

Živinice regionalna deponija za kruti otpad

Država:

Bosna i Hercegovina

Broj projekta:

49631

Poslovni sektor:

Komunalna i okolinska infrastruktura

Vrsta:

Javni sektor

Okolinska kategorija:

A

Datum Upravnog odbora:

13.02.2019.

Status:

Odobren koncept projekta

Datum objavljivanja PSD-a na engleskom jeziku: 05.07.2018.

Opis Projekta

Izgradnja regionalne deponije za čvrsti otpad, uvođenje razdvajanja otpada i reciklažnog dvorišta, usklađenih sa EU standardima, koji će koristiti tri općine u Kantonu Tuzla: Živinice, Banovići i Kladanj ("Projekt"). Predloženo je financiranje Projekta EBRD-ovim kreditom do EUR 6 miliona i sufinansiranje potencijalnim investicionim grantom do EUR 2 miliona. EBRD-ov državni kredit će biti proslijeđen (putem zakonom predviđenog niza podugovora) novoformiranom regionalnom preduzeću za odlaganje čvrstog otpada „Eko-Sep“.

Ciljevi projekta

Poboljšanje ukupnog sistema upravljanja čvrstim otpadom u tri općine, smanjenje zagađenja vode i tla, smanjenje emisija stakleničkih plinova, i smanjenje količine odloženog otpada.

Tranzicijski uticaj

Projekt će imati potencijalni tranzicijski uticaj od okolinskih koristi i uvođenja Ugovora o javnim uslugama između općina i Preduzeća, kojim će se eliminirati subvencije između djelatnosti i poboljšati operativna efikasnost Preduzeća. „Zeleno“ kao tranzicijska osobina proizlazi iz okolinskog uticaja (tj. izgradnja regionalne deponije za čvrsti otpad i reciklažnog dvorišta koji su usklađeni sa EU standardima i efikasno rade).

Informacije o klijentu

BOSNA I HERCEGOVINA

Država Bosna i Hercegovina je Zajmoprimac.

Klijent će biti preduzeće sa posebnom namjenom („SPV“), regionalno preduzeće za odlaganje čvrstog otpada „Eko-Sep“.

Direktni korisnici će biti općine Živinice, Banovići i Kladanj, koje ukupno imaju 95.000 stanovnika. Ove općine su suosnivači i suvlasnici SPV preduzeća Eko-Sep.

EBRD Financiranje

EUR 6.000.000

EUR 6.000.000 će biti obezbijedeno u dvije tranše. Tranša 1 od EUR 4.000.000 koja je odmah na raspolaganju, i Tranša 2 od EUR 2.000.000 koja neće odmah biti na raspolaganju.

Ukupni troškovi projekta

EUR 8.000.000

Okolinski i socijalni sažetak

Kategorija A (2014 ESP). Projekt obuhvata izgradnju i rad velikog komunalnog postrojenja za odlaganje čvrstog otpada i stoga je potrebno pripremiti i objaviti ESIA. EIA je već urađena za potrebe dobijanja lokalnih odobrenja. EBRD je angažirala konsultante da izvrše GAP analizu ove EIA i da pripreme Plan uključivanja

zainteresiranih strana (SEP), Akcioni plan za zaštitu okoline i socijalna pitanja (ESAP) i Netehnički sažetak (NTS). ESIA dokumenti su objavljeni 4 jula 2018 za komentare javnosti, na engleskom i bosanskom jeziku. GAP analizom je utvrđena potreba za procjenu kumulativnih uticaja i ažuriranje polaznih podataka. Ovo je završeno i dodatne informacije su uključene u paket objavljenih dokumenata.

Izgradnja deponije za čvrsti otpad i regionalnog centra za upravljanje čvrstim otpadom, koji su u skladu sa EU standardima, će znatno poboljšati usluge odlaganja čvrstog otpada u tri općine, Živinice, Banovići i Kladanj. Ove općine zajedno imaju oko 95.000 stanovnika. Sredstvima zajma i granta će se financirati prve dvije faze ovog projekta, koje uključuju izgradnju deponije, postrojenja za mehanički biološki tretman otpada, kompostiranje, transfer stanicu, postrojenja za sortiranje otpada i prikupljanje i sagorijevanje gasova. Faze tri i četiri će se financirati i odobravati posebno i obuhvatiće izgradnju postrojenja za tretman odlagališnih fluida i sistema proizvodnje električne energije od odlagališnog gasa.

Odabrana lokacija Projekta je u općini Živinice, otprilike 12km od urbanog centra. Površina lokacije je 21 hektar i ranije je korištena za odlaganje jalovine iz lokalnog rudnika uglja. Sloj jalovine je dubok oko 53 m. Lokacija je trenutno modificirana i degradirana. Do lokacije se dolazi lokalnom makadamskom cestom dugom 1.2 km, koja je u lošem stanju i koja će biti obnovljena. Najbliže naselje je selo Ježevac koje se nalazi 500 m od lokacije projekta. U selu žive lokalno raseljena lica i ima ih oko 30. Projekt bi mogao imati negativan uticaj na buku i kvalitet zraka u selu i radi rješavanja ovog problema ESAP-om je predviđeno da se formira pošumljena zelena zona između sela i deponije. U aprilu 2018 je u Ježevcu održana javna rasprava, a rasprave u vezi sa EIA su održane 2015 godine. SEP-om su predviđene dodatne javne rasprave zajedno sa mehanizmom podnošenja žalbi zainteresiranih strana Preduzeću.

ESAP za projekt sadrži aktivnosti koje se odnose na dozvole, upravljanje izvođačima i praćenje buke i emisija. Prikupljanjem i sagorijevanjem deponijskog gasa će se izbjeći emisije GHG ili smanjiti emisije za više od 20 hiljada tona CO2 godišnje, a projekt dozvoljava recikliranje i ponovno korištenje do 5.000 tona materijala. Neće biti potrebna nedobrovoljna eksproprijacija/otkup zemljišta ili preseljenje. Konsultanti za dubinsku analizu (due diligence) su potvrdili da je projekt pripremljen na način koji ispunjava EBRD-ove provedbene zahtjeve i relevantne EU direktive. EBRD će pratiti implementaciju projekta putem izvještaja od klijenta i posjetama lokaciji, po potrebi.

Na raspolaganju je [Procjena okolinskih i socijalnih uticaja](#).

Tehnička saradnja

Tehnička saradnja za ovaj Projekt će biti obezbijedena za: (i) pomoć u pripremi GAP analize procjene uticaja na okoliš, (ii) tehničku i finansijsku dubinsku analizu (due diligence), (iii) pomoć pri ranoj nabavci; i (iv) pomoć u korporativnom razvoju – financiraće se iz sredstava EBRD-a ili bilateralnih donatora.

Dodatna tehnička pomoć za nadzor građevinskih radova – predloženo je da se financira iz EU Investicionog okvira za Zapadni Balkan (WBIF).

Kontakti Preduzeća

Selmir Šljivić, direktor

sljivics@gmail.com

Tel: +387 35 775 402

Eko Sep doo, Oslobođenja bb Blok 5, 75270 Živinice

Poslovna saradnja

Za poslovnu saradnju ili nabavku, kontaktirajte klijenta.

Za projekte u javnom sektoru, posjetite stranicu [EBRD nabavka](#): Tel: +44 20 7338 6794

Email: procurement@ebrd.com

Opće informacije

EBRD informacije o projektu koje se ne odnose na nabavku:

Tel: +44 20 7338 7168;

Email: projectenquiries@ebrd.com

Politika javnog informiranja (PIP)

PIP utvrđuje kako EBRD iznosi u javnost informacije i kako se konsultira sa zainteresiranim stranama da bi promovirala bolju informiranost i razumijevanje njenih strategija, politika i projekata. Posjetite stranicu Politike javnog informiranja da saznate kako možete tražiti izvještaj Upravnog odbora za projekt u javnom sektoru.

[Tekst PIP-a](#)

Mehanizam za podnošenje žalbi u vezi sa projektom (PCM)

[Mehanizam za podnošenje žalbi u vezi sa projektom](#) (PCM) je EBRD-ov mehanizam odgovornosti. On pruža mogućnost nezavisnog razmatranja žalbi koje dostave pojedinci ili organizacije, u vezi sa projektima koje EBRD financira, a koji su navodno izazvali ili mogu izazvati okolinsku i/ili društvenu štetu.

Posjetite stranicu [Mehanizma za podnošenje žalbi u vezi sa projektom](#) gdje ćete naći informacije kako možete dostaviti žalbu. PCM službenik (pcm@ebrd.com) je na raspolaganju da odgovori na sva pitanja koja možete imati u vezi sa podnošenjem žalbe i kriterijima za registriranje i prihvatljivost žalbi, u skladu sa [Pravilima procedure za PCM](#).